



Broj: 13-11-4-8311/25

Sarajevo, 31.10.2025. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

ODLUKU
o izboru najpovoljnijeg ponuđača

I

Za najpovoljnijeg ponuđača za javnu nabavku radova „Izvođenje radova na rekonstrukciji pješačkog mosta Ars Aevi“, po provedenom postupku javne nabavke putem otvorenog postupka javne nabavke izabran je slijedeći ponuđač:

OMEGA GROUP d.o.o. Sarajevo
sa ukupnom cijenom od 299.981,27 KM

(dvijestotinedevadesetdevethiljadadevetstotinaosamdesetjedna i 27/100 konvertibilna marka) sa PDV-om.

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-8311/25 od 02.09.2025. godine.

Procijenjena vrijednost javne nabavke sa PDV-om je: 300.000,00 KM (slovima: tristotinehiljada i 00/100 konvertibilnih maraka).

Obavještenje o javnoj nabavci broj: 935-1-3-165-3-239/25 objavljeno je na Portalu javnih nabavki dana 23.09.2025. godine.

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-5935/25 od 09.07.2025. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 14.10.2025. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	DINALSA d.o.o. Sarajevo	569.469,95 KM
2.	OMEGA GROUP d.o.o. Sarajevo	299.981,27 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača OMEGA GROUP d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača DINALSA d.o.o. Sarajevo Komisija je ocijenila kao **neprihvatljivu** iz sljedećih razloga:

Tenderskom dokumentacijom u tački 7.4.1. b) zahtijevano je: „*da u radnom odnosu sa punim radnim vremenom ima ili će angažovati za potrebe realizacije ugovora najmanje 1 (jednog) diplomiranog inženjera građevine konstruktivnog smjera (ili završen II ciklus studija sa minimalno stečenih 240 ETCS bodova), sa minimalno 5 (pet) godina radnog iskustva na poslovima građenja i položenim stručnim ispitom iz oblasti konstrukcije*“

U svrhu dokazivanja ispunjenosti uslova iz tačke b) ponuđači su dužni dostaviti sljedeće:

DOKAZ ZA b): Izjava ponuđača da u radnom odnosu sa punim radnim vremenom ima ili će angažovati za potrebe realizacije ugovora najmanje 1 (jednog) diplomiranog inženjera građevine konstruktivnog smjera (ili završen II ciklus studija sa minimalno stečenih 240 ETCS bodova) sa minimalno 5 (pet) godina radnog iskustva na poslovima građenja i položenim stručnim ispitom iz oblasti konstrukcije, koji će biti imenovan za voditelja građenja. (**Dokument 5**).

NAPOMENA: Uz Izjavu dostaviti ovjerenu kopiju diplome (ili nostrificirane diplome, ukoliko diploma nije stečena na visokoškolskoj ustanovi u Bosni i Hercegovini ili je diploma stečena u nekoj drugoj državi nastaloj raspadom SFRJ, nakon 06.04.1992. godine) iz navedene oblasti - **Dokument 6**. i ovjerenu fotokopiju uvjerenja o položenom stručnom ispitu iz navedene oblasti za lice koje će biti imenovno za voditelja građenja - **Dokument 7**.“

Ponuđač je u sklopu svoje ponude dostavio Izjavu (**Dokument 5**) u okviru koje je imenovao Dinu Bajramovića, kao lice koje će biti angažovano za potrebe realizacije ugovora.

Uz navedenu Izjavu, kojom je imenovano lice za potrebe realizacije ugovora, ponuđač je dostavio Diplomu o stečenom akademskom zvanju bakalaurat inženjer građevinarstva i arhitekture, smjer građevinarstvo; Diplomu stečenom akademskom zvanju magistar građevinarstva i arhitekture, smjer građevinarstvo; te Uvjerenje o položenom stručnom ispitu smjer građevinarstvo i arhitektura, oblast građevinarstvo.

Iz dostavljenih dokumenata je vidljivo da imenovano lice nije steklo akademsko zvanje, niti je položilo stručni ispit iz oblasti konstrukcija, kako je zahtijevano tačkom 7.4.1. b) tenderske dokumentacije.

Nadalje, ponuđač DINALSA d.o.o. Sarajevo je dostavio ponudu sa ukupnim iznosom ponuđene cijene koja je veća od procijenjene vrijednosti predmetne nabavke, te obezbijedenih novčanih sredstava ugovornog organa za nabavku.

Iz naprijed navedenih razloga, ponuda ponuđača DINALSA d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	OMEGA GROUP d.o.o. Sarajevo	299.981,27 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču OMEGA GROUP d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 299.981,27 KM (dvijestotine devedesetdevet hiljadadevetstina osamdeset jedna i 27/100 konvertibilna marka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).



OPĆINSKA NAČELNICA

Prof. dr. Benjamina Karić

